



Þeir bíða eftir að sleðinn færi þeim næstu hræru. (Ljósmynd: E. D.).

## Fimmta franska lýðveldið

Stjórnarskráartillögur de Gaulle samþykktar með yfirgnæfandi meiri hluta. Líklegt að þessi sigur færi honum forsetavöld fimmta lýðveldis Frakka.

Þingkosningar munu fara fram í Frakklandi í næsta mánuði og mun de Gaulle sitja ráðuneytisfund í dag og ræða undirbúning kosninganna.

Eftir nýafstaðinn kosningasigur hefur forsætisráðherrann nær ótakmörkuð völd næstu mánuði.

Eins konar kjörmannanefnd kys forseta og er lítill vafi talinn leika á því að de Gaulle verði fyrir valinu og verði forseti fimmta lýðveldisins. Forsetans bíða mörg erfið verkefni, svo sem Alsírmálið, svo og efnahagsmálin innanlands.

Í kosningunum um stjórnarskráartill. vakti það sérstaka athygli hve kommúnistar biðu herfilegan ósigur.

## Merk skýrsla

Atvinnutækjanefnd hefur gefið út mikla skýrslu um atvinnuástand og aðstöðu til atvinnureksturs í bæjum og þorpum á Norður-, Austur- og Vesturlandi. Skýrsla þessi hefur mikinn fróðleik að geyma og er hin merkasta. Er ekki að efa að mörg um leiki hugur á að lesa hana.

## Framkvæmdir Vatnsveitu Akureyrar í Glerárdal í sumar

Vatnsmagn til bæjarins eykst um 100 lítra á sek. og nægir þar til bærinn telur 20 þús. manns

Frumskilyrði fyrir bólfestu manna og byggð í þessu landi er ferskt vatn. Landnámsmennirnir völdu bæjarstæði sín við lindir eða lækki. En þar sem byggðin þéttist og varð síðan að þorpi eða bæ varð bæjarlækurinn stundum of lítill.

Akureyringar hafa að vísu stóran bæjarlæk, þar sem Glerá er. En bæjarbúar eru vandlátir og vilja aðeins lindarvatn. — Í Hlíðarfjalli er neyzluvatnið tekið og er það samtals 50 lítrar á sekúndu, en er nú orðið of lítið fyrir okkar 8 þús. manna bæ. Sérstaklega varð þetta áberandi og bagalegt eftir að nýja hraðfrystihúsið tók til starfa, því að það þarf mjög mikið vatnsmagn til starfsemi sinnar.

Stjórn bæjarins ákvað þá að leita nýrra úrræða og var ákveðið að nota lindir nokkrar í Glerárdal, sem nú er verið að beizla. Þangað er alllangur vegur, eða 5450 m. frá vatnsgeymunum við Rangárvelli. Hæð frá sjó til efstu lindanna, sem teknar eru, er 463 m.

Glerárdalur er ekki ákjósanlegt vegarstæði. Þar er brattlent og sundurskorið af djúpum giljum. En fyrstu framkvæmdirnar vegna hinnar nýju vatnsveitu var vegalagning og var hún gerð í fyrrasumar. Næst lá fyrir að vélgrafa aðalskurð alla leiðina og var það víða erfið verk vegna hallans.

Pípurnar, sem flytja eiga vatnið, eru 200 mm. og eiga að skila 100 lítrum á sekúndu. Þær eru úr asbesti og tékkneskar og eru komnar á sinn stað langleiðina og huldar ruðningi.

Í fylgd með Sigurður Svanbergssyni, vatnsveitustjóra bæjarins, var ekið sem leið liggur fram á dalinn. Gunnar Karlsson bílstjóri og hinn kröftugi vatnsveitubíll rötudu alla króka, unnu hvern stórsigurinn af öðrum í áflogum við stórgrýti og brattar brekkur. Frammi í Sellandi eru 6 lindir virkjaðar og yfir hverri er lítið brunnhús, steinsteypt. Vatnið er algerlega lokað og leitt þaðan á einn stað í aðalgeymi. Frá honum liggur svo hin mikla leiðsla til bæjarins. Verið er að



Sigurður Svanbergsson vatnsveitustjóri segir fyrir verkum.

óvenjuleg vinnubrögð við steypuna og efnisflutninga þangað upp.

Vatnsveitan keypti sér Fordson dráttarvél í sumar og tekur hún þar við, sem bílveg þrýtur og hefur komið sér vel. En síðasta



Brunnhús og safngeymi. — (Ljósmynd: E. D.).



steypa síðasta brunnhúsið. Sigurður G. Sigurðsson sér um smíði þeirra.

Þar sem lindunum þóknast að komast fram á yfirborðið er snarbrött brekka. Þess vegna verður líka að nota ofurlítið

brunnhúsið, við fremstu lindina, er 80 metrum ofar í snarbrattri hliðarbrekkunni en tók voru á að koma dráttarvélinni, mól og sementi. Þá var rekinn niður drumbur mikill í brekkunni, þar sem fyrirhugað mannvirki átti að standa og trissa fest þar á. Stálkaðall mikill lá frá henni og á reimskífu dráttarvélarinnar með áfestum sleða. Á sleðanum var steypan flutt og fór hann mikinn upp og niður brekkuna.

Þrjú gil eru á leiðinni, sem vatnsrörin liggja yfir á steypum stöplum. Vatnsveitustjórinn gerir sér vonir um, að hin nýja vatnsleiðsla úr Glerárdal muni verða tengd bæjarkerfinu í haust. Þarf þá enginn að kvíða vatnsskortri næstu árin, því að

(Framhald af 2. síðu.)

## Framsóknarvistirnar hefjast að nýju næstkomandi sunnudag

Kept verður um samtals 6 verðlaun Miðar seldir á föstudag og laugardag

Næstkomandi sunnudag, 5. október, hefjast að nýju hin vinsælu spilakvöld Framsóknarfélaganna, Framsóknarvistirnar. — Eins og á undanförunum árum verður spilað á Hótel KEA, og síðan dansað til kl. 1, en spilakeppnin sjálf hefst kl. 8.30. — Næst verður spilað 19. október, Kept verður um samtals sex verðlaun, þrenn kvenna og þrenn karla.

Kvennaverðlaunin eru:


Armbandsúr.  
Stofuklukka.  
Snyrtiáhöld.

Karloverðlaunin eru:

Vönduð ferdataska úr leðri.  
Myndavél.  
Vindlingakveikjari.

Auk þess verða veitt sérstök kvöldverðlaun í hvorum flokki.

Framsóknarfólk er hvatt til þess að sækja skemmtanirnar og tryggja sér miða á öll kvöldin nógu tímanlega. Miðasala verður



Steypuvinna í Glerárdal. — (Ljósmynd: E. D.).

## Lokun sölubúða

Athygli skal vakin á því, að frá 1. október til áramóta verður sölubúðum lokað sem hér segir: Á föstudögum kl. 6 og á laugardögum kl. 4 e. h. —